

# iSimangaliso

News Flash



iSimangaliso  
Wetland Park



KOSI BAY COASTAL FOREST LAKE SIBAYA SODWANA BAY UMKHUZE FALSE BAY CHARTERS CREEK LAKE ST LUCIA CAPE VIDAL MAPHELANE

17 Ntulikazi 2023

## iSIMANGALISO SIDALE AMATHUBA ANGAMAKHULU AMATHATHU KWI-PHROJEKTHI EBIZWA NGOKUTHI YI-CLEANING AND GREENING



iSimangaliso sidale amathuba omsebenzi angamakhulu amathathu kubantu abakhelene nePaki. Lokhu kuza ngemuva kokuthi umnyango wezamahlathi, ukudoba kanye nemvelo ugunyaze iSimangaliso Wetland Park Authority ukuthi sinikezele ngale phrojekthi ye-Cleaning and Greening komasipala abathathu baKwaZulu-Natali. Umnyango wakwa-DFFE wabona kudingakala ukuthi kwenziwe imizamo eminingi uma kufunwa ukuvikelwa imvelo ekungcolisekeni kwase kwenziwa lolu hlelo olubizwa ngokuthi yi-Municipal Cleaning and Greening.

iSimangaliso yisona esihola ukwenziwa kwale phrojekthi kumasipala wakwaMhlabuyalingana kanye neBig 5 Hlabisa (le phrojekthi yenziwa eHluhluwe naseMtubatuba), kuqashwe abantu abayikhulu kumasipala ngamunye. iSimangaliso sahlanganyela nomasipala, Amakhosi kanye nabaholi bemiphakathi ukulekelelwa ukuthi kuqokwe imindeni ehlwempu ukuba kuqale ngokuthi kuqashwe amalungu ayo kuqala. Umphathi omkhulu weSimangaliso Wetland Park uMnu. Sibusiso Bukhosini

wancoma ukubambisana kanye nokusebenzisana abakutholayo kulabo ababambe iqhaza kule phrojekthi okwenza ukuthi ibe impumelelo kakhulu.

Inhloso yalolu hlelo ukulwisana nesimo lapho imvelo icekeleka phansi kanye nokuqinisekisa ukuthi izwe lethu alibhekani nezimo eziyingozi kwimvelo kanye nokuthi abantu bahlala endaweni enemvelo evikelekile ehlohlisa isizukulwana samanje nesizayo. Lokhu kwenziwa ngaphansi kohlelo lapho abantu besifazane, intsha kanye nabantu abaphila ngokukhubazeka kuyibona bokuqala abaqashwayo. Lolu hlelo lumayelana nokugcina izindawo zihlanzekile, kube kuqinisekiswa ukuthi abantu bayazuza okuthile ngalolu hlelo. Abahlomula kulolu hlelo basiza ngokuthi bahlanze amadolobha, imigwaqo, iPaki, izinkundla zemidlalo njalo njalo. Lolu hlelo luphinde luhlose ukuqinisa ukuthuthukiswa kwemiphakathi.



Amalungu omnyango wakwa-DFFE, asanda kuvakashela iSimangaliso ukulandelela ukuthi ngabe le phrojekthi isiqalisiwe yini ezindaweni zomasipala. Umsebenzi weSimangaliso ukuvikela, ukugcina kanye nokwethula ubugugu boMhlaba esizukulwaneni samanje kanye nesizukulwane esilandelayo kube kuzuza imiphakathi ehlala ePaki kanye naleyo eyakhelene nePaki.

**-lyaphela-**

**Isitatimende sikhishwe iSimangaliso Wetland Park Authority**

**Abezindaba bengaxhumana no:**

MLO: Mr Bheki Manzini

Call/Whatsap: 060 533 2082

Email: [bhekimanzini@isimangaliso.com](mailto:bhekimanzini@isimangaliso.com)